

**CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA, O CONCELLO DE MONDARIZ E A ASOCIACIÓN AMIGOS DA TERRA PARA A EXECUCIÓN DO PROGRAMA "IMPLANTACIÓN E SEGUIMIENTO DA COMPOSTAXE INDIVIDUAL A NIVEL MUNICIPAL".**

En Mondariz a 1 de xuño de 2018

**REUNIDOS**

D. César Mosquera Lorenzo, Vicepresidente da Deputación da Provincial de Pontevedra, en virtude das atribucións que lle confire o artigo 35.4 da Lei 7/1985, do 2 de abril,, reguladora das bases de réxime local.

D. Xoan Carlos Montes Bugarín, Alcalde do Concello de Mondariz, actuando en virtude das facultades representativas que lle atribúen o artigo 21.1 b) da Lei 7/1985, de 2 de abril, reguladora das bases do réxime local e o artigo 61.1 a) da Lei 5/1997, do 22 de xullo, de Administración Local de Galicia.

Dona Raquel Fernández Rodríguez, presidenta de Asociación Amigos da Terra.

E dando fe do acto, D. Carlos Cuadrado Romay, Secretario Xeral da Deputación Provincial de Pontevedra.

Actuando todos eles no exercicio dos seus respectivos cargos e na representación que detentan, e recoñecéndose reciprocamente capacidade para obrigarse nos termos deste documento,

**EXPOÑEN**

**Primeiro.** As obrigas legais fixadas en diversos textos normativos de aproveitamento dos restos orgánicos dos residuos municipais están moi lonxe de poder cumprirse nas datas fixadas de manterse inmóbil a situación actual. O obxectivo de compostar, ó menos, o 25% da fracción orgánica antes do 2020 non se poderá acadar senón se dan xa pasos firmes e decididos nesta dirección.

Para revertir esta situación a Deputación Provincial de Pontevedra está a potenciar a compostaxe- en colaboración cos concellos- a través do seu Plan Revitaliza no que aposta, basicamente, polos Composteiros Individuais (en adiante COIN), os Centros de Compostaxe Comunitaria (en adiante CCC) e as Plantas Comarcais de Compostaxe (PCC).

Ademais, para consolidar o Plan REVITALIZA, a Deputación puxo en marcha unha serie de axudas que permitirán aos Concellos facer fronte aos sobre-custos derivados da súa posta en marcha no período de tránsito do actual sistema de recollida e tratamento ao novo sistema baseado na compostaxe, sendo 33 os Concellos adheridos á liña 1, que lles permitirá dispoñer dun plan de residuos individualizado, e 5 os beneficiarios da liña 2, que ten por obxecto subvencionar a adquisición dos COIN, CCC e demais material complementario (remolques, trituradoras etc..).

**Segundo.** En relación aos CCC a Deputación xa ten instalados en 24 concellos da provincia un total de 61 con 436 Unidades Modulares de Compostaxe (en adiante UMC), con capacidades unitarias para tratar a FORM producida por entre 60 e 300 persoas, que funcionan perfectamente e contan con todos os parabéns das veciñas e veciños que participan no proceso; estes CCC están funcionando baixo a supervisión dos técnicos do Plan REVITALIZA que desenvolven as súas funcións de maneira temporal e transitoria ata que a súa implantación sexa completa e os Concellos asuman a súa xestión íntegra.

**Terceiro.** En canto aos COIN, a Administración Provincial está traballando para ter instalados na primeira metade do 2018 un importante número deles nos cinco concellos desta provincia que teñen accedido á Liña 2, cunha aposta clara pola colaboración cos concellos para a posta en marcha dun ambicioso plan de compostaxe individual (en adiante COIN) que virá a complementar a actividade dos centros de compostaxe comunitaria (CCC) e das futuras plantas de compostaxe comarcais (PCC).

Sen embargo, como queira que a Deputación de Pontevedra carece dos medios técnicos necesarios para iso e a fin de garantir que a implantación destes COIN resulte eficiente, así como asegurar o seu seguimento, a Administración Provincial tense decantado pola aplicación dunha política colaborativa e inclusiva que permita integrar dun xeito harmónico a todas aquelas asociacións cidadáns sen ánimo de lucro posuidoras de coñecementos e cunha mínima presenza/implantación previa no eido da compostaxe individual, así como na acción social que esta leva consigo.

Esta colaboración provincial será transitoria durante o tempo necesario para o seguimento dos COIN municipais xa instalados ou a piques de instalar (un ano desde a instalación), xa que posteriormente será o Concello quen asuma en exclusiva ditas funcións a través das formas de xestión que estime oportunas.

**Cuarto.** Entre as asociacións mencionadas no punto anterior atópase Amigos da Terra, entidade ecoloxista sen ánimo de lucro cunha traxectoria de traballo real en

concellos da provincia de Pontevedra que xa están a implantar o novo sistema de tratamento de residuos baseado na compostaxe (por exemplo, Vilaboa) en cunha demostrada experiencia e bos resultados en varios concellos galegos na implantación e seguimento dos COINs.

Dita Asociación ten, ademais, entre os seus fins:

- Protexer o medio ambiente, entendido no máis amplo senso.
- Promover alternativas baseadas no desenvolvemento sostible.
- Promover a educación integral a todos os niveis e en todos os ámbitos,
- Fomentar a formación ambiental a todos os niveis, tanto a especialistas, técnicos e profesionais de diversos colectivos, como público en xeral.
- Complementar as actividades desenvolvidas por distintas Administracións nas materias sinaladas.

En relación con este último aspecto, a Asociación Amigos da Terra é promotora de diversos proxectos como o denominado “**A implantación e seguimento da compostaxe individual a nivel municipal**”, que está dirixido a cubrir as necesidades de atención a tódolos habitantes residentes en vivendas dotadas das mínimas condicións como para permitir unha doada instalación dun COIN nas mesmas.

Este proxecto, que viría a complementar a actividade temporal despregada pola Deputación neste eido no Concello de Mondariz, poderá ser obxecto de subvención ao amparo do previsto no artigo 23 do Regulamento de Servizos das Corporacións Locais, aprobado polo Decreto de 17 de xuño de 1955.

**Quinto.** Pola súa banda, o Concello de Mondariz está adherido ao Plan REVITALIZA, e ten solicitado, acadado e finalmente asumido a súa participación activa na Liña-2, na que precisa da colaboración provincial para desenvolver o novo sistema de tratamento de residuos, así como a participación activa da Asociación Amigos da Terra na información para a posta en marcha e seguimento dos COIN previstos para cubrila totalidade do seu Concello, que se estima nunha cantidade de 1200.

Polo tanto, a súa elección ven determinada por ser un dos cinco Concellos beneficiarios da subvención da liña 2 estando en boa disposición para implantar canto antes o cambio de sistema de tratamento de residuos baseado na compostaxe.

Que en virtude das consideracións anteriores, a Deputación de Pontevedra, o Concello de Mondariz e a Asociación Amigos da Terra acordan subscribir o presente convenio de colaboración de acordo coas seguintes

## CLÁUSULAS

### I.- OBTXECTO.

O presente convenio ten por obxecto establecer as bases de colaboración entre a Deputación Provincial de Pontevedra, o Concello de Mondariz e a Asociación Amigos da Terra para levar a cabo o proxecto “**A implantación e seguimento da compostaxe individual a nivel municipal**”, na totalidade do territorio do Concello de Mondariz, de acordo cos seguintes obxectivos:

- Obxectivos xenéricos do Proxecto

1. Tratar por compostaxe a totalidade da fracción orgánica producida nas vivendas nas que se teñan adscritos COIN, incluíndose nesta tanto a convencional doméstica do fogar (restos cociña/restos comidas), como a de parcelas, hortas, xardíns, etc. comprendidos na vivenda.
2. Consecuencia do anterior, evitar a entrada no circuíto de xestión do lixo do Concello de calquera tipo de residuo orgánico de tipo biodegradábel producido nas vivendas servidas. Neste sentido consecuentemente entendemos e consideramos esta acción como de “prevención” antes que de “reciclaxe” deses residuos.

- Obxectivos Específicos do Proxecto

1. Proveer dos materiais adecuados (COIN e materiais complementarios) para implantalo tratamento “*in situ*” da fracción orgánica dos residuos municipais (en adiante FORM) en tódalas vivendas coas condicións mínimas adecuadas para a instalación e uso dun COIN.
2. Proveer dun sistema eficiente e sen custo para a veciñanza para o acondicionamento dos residuos de xardín, horta, finca, etc.

producidos nesas mesmas vivendas, a fin de que poidan ser doadamente utilizados como elementos complementarios á compostaxe e de acción estruturante das FORM, articulándose dúas vías de actuación: unha primeira consistente en habilitar puntos verdes, en principio un por parroquia, a onde os veciños poderán levar a súa poda, que será triturada polo concello, e onde poderán igualmente recoller o estruturante necesario para o proceso; e outra que consistirá en poñer a disposición de tódalas vivendas participantes que así o soliciten un servizo de trituración a domicilio xestionada polo concello, sempre e cando teñan un mínimo volume de poda (a determinar polo concello), previa chamada, e por orde das peticións.

3. Facilitarase por tanto o auto-aprovisionamento de material estruturante preciso para a compostaxe para todas aquelas vivendas participantes nas que non se dispoña dos materiais adecuados para facelos (ramas e similares).

## II.- OBRIGAS DO CONCELLO DE MONDARIZ

O Concello de Mondariz comprométese mediante o presente Convenio a:

- Facilitar a Amigos da Terra o listado dispoñíbel (nome ,dirección e teléfono) dos representantes de cada vivenda na que se prevexa ir instalando os COIN adquiridos a través da axuda económica concedida pola Deputación de Pontevedra .
- Ir poñendo a disposición dos participantes tódolos COIN, e tódolos seus apeiros funcionais asociados, adquiridos mediante a axuda económica da Deputación de Pontevedra, e facilitarlle toda a información relacionada co reparto a Amigos da Terra.
- Facilitar a Amigos da Terra a cantidade, características e lugar onde están instalados, ou estea previsto instalar, tódolos COIN do Concello de Mondariz cuxa procedencia sexa diferente aos obtidos/financiados a través do proxecto REVITALIZA da Deputación de Pontevedra.
- Facilitar o acceso aos veciños e veciñas participantes e, na medida do posíbel, mediar e colaborar na relación con estes.

### III.- OBRIGAS DA DEPUTACIÓN DE PONTEVEDRA

A Deputación de Pontevedra comprométese mediante o presente Convenio a:

- Garantía cooperación, soporte e asistencia do equipo de técnicos do Plan REVITALIZA adscrito ao Concello de Mondariz, co persoal de Amigos da Terra.
- Colaborar co persoal de Amigos da Terra, dándolle formación para a subida de datos de seguimento dos COIN ao programa de control do REVITALIZA.
- Financiar o proxecto “**A implantación e seguimento da compostaxe individual a nivel municipal**” na totalidade do territorio do Concello de Mondariz, cunha achega máxima de **85.320,00 euros**, a abonar á Asociación Amigos da Terra a modo de compensación polos diferentes gastos asociados ás actividades de explicación inicial, instalación, seguimento e control dos COIN.

### IV.- OBRIGAS DA ASOCIACIÓN AMIGOS DA TERRA.

A Asociación Amigos da Terra comprométese, mediante o presente Convenio, a desenvolver o proxecto “**A implantación e seguimento da compostaxe individual a nivel municipal**” no concello de Mondariz segundo o seguinte detalle:

- Actividades específicas do Proxecto
  1. Colaborar co concello de Mondariz e co equipo do REVITALIZA na captación de participantes na compostaxe individual por medio de charlas, comunicados, etc., así como na formación inicial por grupos das persoas participantes nos COIN.
  2. Realización de charlas/coloquios formativos cos veciños das diferentes zonas de instalación dos COIN.
  3. Cada charla/coloquio ten que ser anunciada á veciñanza, e debe contar cunha asistencia mínima de 6 participantes e ter unha duración media de 2 horas efectivas.
  4. O máximo previsto de charlas/coloquios é de **24** e o seu cometido é o de formar aos participantes para que poidan iniciar o proceso de compostaxe nos seus domicilios.

5. Facelo seguimento individualizado a tódolos fogares con COIN instalado, realizando como mínimo 3 visitas por cada COIN (polo menos 2 visitas no primeiro trimestre), e como máximo 5 visitas, dentro do período máximo de 1 ano contado dende a data de aprobación da partida de COIN na que están incluídas ditas vivendas. No caso de ser preciso nalgunha vivenda, poderanse facer mais de 5 visitas, unha vez consensuada a información cos técnicos de Revitaliza, sempre que non se supere o máximo de 6.000 visitas totais.
6. Inclúense varias accións de seguimento ademais das presenciais (seguimento telefónico, correo electrónico, whatsapp, etc.) a cada vivenda con COIN cedido en uso, tamén dentro do período máximo de 1 ano contado dende a data de aprobación da partida de COIN na que están incluídas ditas vivendas.
7. A efectos de contabilización de tempos, considérase que cada visita ocupará un tempo de aproximadamente 1 hora, incluídos os tempos dos desprazamentos dentro do concello.
8. As accións de seguimento ocuparán un máximo de 5,7 horas ao ano para cada COIN.
9. Os COINs entregaranse na formación inicial obrigatoria (o concello encargárase de telos na localización elixida, xa sexa levándoos por medios propios, ou encargándollo a unha empresa de transportes, ou á mesma empresa que llos vende). No caso de non ir á formación, un representante de vivenda deberá recollelo na localización indicada polo concello.
10. Nos casos excepcionais nos que os participantes non poidan asistir á formación, na primeira visita aproveitarase para, como mínimo, dar as explicacións precisas para o bo uso do COIN, así como do listado de “boas prácticas” na xestión do lixo da vivenda. Nesa primeira visita é recomendable a presenza de algún dos técnicos do equipo de Mondariz do REVITALIZA.
11. Nas seguintes visitas e accións de seguimento, faranse revisións do funcionamento e histórico do COIN dende a anterior visita (episodios de cheiros, presenza de moscas e outros insectos, presenza de ratos

ou similares, lixiviacións, etc.). Así mesmo: tomarase temperatura do material en proceso, tomarase unha foto do mais significativo no COIN, se fose preciso corrixiranse humidade, esponxosidade, etc. do material en proceso e medirase o nivel de enchido actual (distancia da boca de carga até a superficie superior do material en proceso).

Tódolos datos adquiridos serán subidos á aplicación, plataforma, ou similar, disposta a tal fin pola Deputación.

12. Toda a información que difundan sobre o Plan Revitaliza terá que ser supervisada polos técnicos do Revitaliza, e limitarase ao contido aprobado por estes.

13. Constatación da paulatina, sucesiva, continuada e dentro de prazos conforme a requirimentos, da subida dos datos de seguimento/control dos COIN na aplicación do REVITALIZA

## **V.- ORZAMENTO DE GASTOS DA ACTIVIDADE A REALIZAR POR AMIGOS DA TERRA**

A Asociación Amigos da Terra desenvolverá as actividades programadas, segundo se definen na cláusula anterior, conforme a un orzamento cuxos importes inclúen os gastos de desprazamentos, tempo das visitas, emisión de informes ou información aos veciños. Neste sentido, establécense as compensacións económicas a tanto alzado que de seguido se citan:

- Por cada visita de seguimento de cada un dos COIN, sexa para entrega/instalación, e/ou para control/seguimento/avaliación, sempre de acordo coas premisas reflectidas nas actividades específicas do proxecto: **10,00 €.**

- Número medio de visitas de seguimento anuais previstas a cada vivenda con COIN asignado, de acordo coas premisas reflectidas nas actividades específicas do proxecto e que estará afectada de certa variabilidade atendendo ás particularidades de cada fogar: **5.**

- Máximo total previsto dos COIN aprovisionados polo concello a cargo do REVITALIZA (entrega/instalación/control/seguimento): **1.200 unidades.**

- Máximo total previsto adicional de outros COIN xa instalados, ou por instalar, procedentes doutras orixes: non se puido corroborar que haxa COINS a maiores dos do Revitaliza. Non obstante, se aparecese algún, e as persoas



proprietarias precisasen a formación, estes incluíriáanse no cómputo total de visitas.

- Orzamento máximo previsto para as visitas a vivendas con COIN: (50 €/COIN x 1.200 COIN) => **60.000,00 €**.
- Por cada xornada de formación cos veciños/as: 200 €.
- Máximo total previsto de xornadas/coloquios formativos veciños/as: 24
- Orzamento máximo previsto para xornadas/coloquios formativos: **4.800,00 €**.
- Por accións de seguimento non presenciais (seguimento telefónico, correo electrónico, whatsapp...) tendo en conta 5.7h/COIN: **17,10 €/COIN**. As accións de seguimento non substituirán as visitas presenciais.
- Orzamento máximo previsto para accións de seguimento: **20.520,00 €**

**Orzamento máximo total previsto: 85.320,00 €.**

#### **VI.- FINANCIAMENTO DA ACTIVIDADE.**

1.- A Deputación Provincial de Pontevedra financiará o proxecto “**A implantación e seguimento da compostaxe individual a nivel municipal**”, para cubrirla totalidade do territorio e poboación do concello de Mondariz, cunha achega máxima de **85.320,00 €**, a abonar á Asociación Amigos da Terra, que se afrontará con cargo á aplicación **18/923.1623.489.06** do vixente orzamento provincial.

2.- A subvención da Deputación é compatible coa percepción doutras subvencións ou axudas, públicas ou privadas, que a Amigos da Terra obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificacido.

3.- No caso de que a concorrencia de axudas ou subvencións supere o importe do gasto efectivamente xustificacido, minorarase a aportación provincial no importe necesario para darlle estricto cumprimento ao apartado anterior.

#### **VII.- PAGAMENTO DA ACTIVIDADE.**

A Deputación Provincial de Pontevedra comprométese a librar os fondos establecidos na cláusula anterior da seguinte forma e nos seguintes prazos:

1.- O 50% do orzamento de cada unha das partidas de COIN das que se teña feito o estudo concreto de instalación, (segundo previsión de calendario anexo) no prazo

de 10 días hábiles desde a presentación do estudo correspondente, no que debe constar o número concreto de COIN por cada partida e que debe estar conformada polos técnicos provinciais.

A fin de evitar unha excesiva fragmentación, o número de COIN a instalar por partida non poderá ser nunca inferior ó 10% do total previsto.

As diferentes partidas poden perfectamente solaparse no tempo, co único límite de que todas elas deben ter sido instaladas antes da data límite marcada na cláusula IX, podendo así producirse seguimentos de diferentes cantidades de COIN ó longo do tempo de desenvolvemento do traballo.

2.- O 50% restante do orzamento de cada partida, seralle abonado á Amigos da Terra unha vez transcorrido un ano dende a instalación efectiva de cada partida e previa presentación da seguinte documentación:

Memoria explicativa da realización completa das actividades, con expresión técnica e cuantitativa dos resultados obtidos. Dita memoria detallará, así mesmo, o número de actividades realizadas, especificando o seu importe unitario e total, e deberá estar conformada polos técnicos provinciais do Plan Revitaliza. Para xustificación dos pagos, os datos subidos á aplicación serán válidos para presentar como informe de cada visita.

- Xustificación do cumprimento das obrigas impostas (difusión da subvención, etc.).
- Indicación e valoración de se foron acadados os obxectivos propostos.
- Deberá acreditar que non está incurso en causa de prohibición para percibir axudas ou subvencións públicas ou para contratar mediante declaración responsable asinada polo seu representante e presentar ou autorizar á Deputación para que obteña as certificacións de Facenda do Estado e da Tesourería Xeral da Seguridade Social de que a entidade que representa está ó corrente nas súas obrigas tributarias.
- Declaración doutras axudas ou subvencións solicitadas ou concedidas para a mesma finalidade.
- Certificación da conta bancaria.

- Acreditación do cumprimento das obrigas asumidas na cláusula oitava mediante a aportación de documentos nos que conste a publicidade do financiamento provincial.

#### **VIII.-PUBLICIDADE DO FINANCIAMENTO PROVINCIAL.**

- 1.- Na publicidade pola que se dea a coñecer a realización das actividades, por medios escritos, radiofónicos, audiovisuais ou Internet, deberase facer constar sempre o financiamento da Deputación Provincial de Pontevedra.
- 2.- Coa memoria e conta xustificativa achegaranse documentos que acrediten o cumprimento desta obriga de Amigos da Terra.

#### **IX.- TERMO PARA A REALIZACIÓN DA ACTIVIDADE E PRAZO DE XUSTIFICACIÓN.**

- 1.- As actuacións que son obxecto de financiamento provincial, tal como están descritas na cláusula cuarta, deberán estar rematadas no prazo máximo de 1 ano contado dende o efectivo inicio da actividade de cada partida instalada (da que se levantará a oportuna acta) e tendo como máximo a **31 de decembro de 2019**, polo que a derradeira partida de COIN deberán ter aprobada a súa instalación antes do **31 de decembro de 2018**.
- 2.- Unha vez transcorra o ano desde o efectivo inicio da actividade de cada partida, Amigos da Terra deberá presentar a xustificación documental á que se refire a cláusula sétima no prazo máximo de tres meses, tendo en conta así mesmo as datas máximas establecidas no parágrafo anterior.
- 3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento a Amigos da Terra para que a presente no prazo improrrogable de quince días.

A falla de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste

prazo adicional non eximirá a Amigos da Terra da sanción que, de conformidade co disposto na Lei de subvencións.

4.- O abono da subvención materializarase mediante ingreso na conta da entidade financeira indicada pola Amigos da Terra na documentación aportada.

Se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, Amigos da Terra terá dereito ao abono dos xuros de demora, ao tipo de interese legal, que se devehán dende a finalización do prazo de catro meses ata o momento no que se faga efectivo o pagamento.

#### **X.- ACREDITACIÓN DO CUMPRIMENTO DAS OBRIGAS TRIBUTARIAS E COA SEGURIDADE SOCIAL.**

1.- Amigos da Terra deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social; e, para tal fin poderá autorizar á Deputación a que obteña telematicamente os correspondentes certificados.

2.- A acreditación de non ter débedas coa Deputación Provincial determinarse de oficio por esta.

#### **XI.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.**

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, Amigos da Terra poderá ser requirida pola Intervención provincial para a realización dun control financeiro sobre a subvención outorgada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.

2.- Asemade, de acordo co previsto na Lei 6/1985, de 24 de xuño, do Consello de Contas de Galicia, Amigos da Terra queda sometido aos procedementos de

fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuciamiento contable que poida incoar o Tribunal de Contas, e a calquera outro órgano de control, nacional ou europeo.

## **XII.- REINTEGRO, INFRACCIÓNS E SANCIÓNS.**

1. O incumprimento dalgunha das cláusulas previstas no presente convenio de colaboración poderá conlevar a obriga de reintegro parcial ou total dos fondos recibidos, así como ao pago dos xuros de demora que se devehían dende o día no que se realizou o pago ata o momento no que se acorde a procedencia do reintegro.

O procedemento de reintegro iniciárase de oficio e a súa tramitación farase de conformidade co disposto nos artigos 29 e ss da Ordenanza Xeral de Subvencións da Deputación de Pontevedra, dándolle en todo caso audiencia ao interesado.

2. Sen prexuízo do anterior, o dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas.

## **XIII.- INCORPORACIÓN AO REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA.**

1.- No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación de Amigos da Terra serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 15/1999, de 13 de decembro.

2.- Asemade, no cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía e Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención a Amigos da Terra será publicada no Boletín Oficial da Provincia de Pontevedra e na páxina web [www.depo.es](http://www.depo.es).

4.- Así mesmo, os datos do convenio proposto foron incorporados no rexistro provincial de convenios (CIVIDAS), ós efectos do cumprimento das obrigas de comunicación ó Tribunal de Contas, en aplicación do disposto no artigo 53 da Lei 40/2015, de 1 de outubro, de réxime xurídico do sector público.

#### **XIV.- VIXENCIA DO CONVENIO, PRÓRROGA OU MODIFICACIÓN.**

1.- O prazo de vixencia do presente convenio establécese desde a data da súa sinatura ata o **31 de decembro de 2019**.

2.- Previa solicitude de Amigos da Terra, realizada polo menos dous meses antes da data do fin do prazo, o convenio poderá ser prorrogado por acordo expreso de ambas as dúas partes, e previos os informes preceptivos da Unidade xestora, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

#### **XV.- NATUREZA, SEGUIMENTO DOS TRABALLOS, INTERPRETACIÓN E RESOLUCIÓN DE DÚBIDAS.**

1.- Para avaliar o desenvolvemento do presente convenio de colaboración, de natureza administrativa, constituirase unha comisión de seguimento composta por dous representantes de cada institución asinante, actuando como Presidente da mesma un dos representantes da Deputación. Esta comisión encargarse do seguimento das actuacións e avaliación dos resultados e desenvolverase durante toda a duración do convenio de xeito continuado.

2.- A comisión ditará as súas propias normas internas de funcionamento, reunirse cando o solicite algunha das partes e, en todo caso, como mínimo unha vez ao ano; ostentará a prerrogativa da interpretación e resolución de cantas dúbidas e controversias xurdan na aplicación do convenio.


## XVI.- RESOLUCIÓN

O presente convenio resolverase:

- a) Por denuncia unilateral con previo aviso de dous meses ou por mutuo acordo.
- b) Por incumprimento total ou parcial dalgunha das estipulacións que o regulan.
- c) Polo vencemento do prazo de vixencia.
- d) Polo transcurso do tempo fixado sen que se execute e/ou xustifique a realización do obxecto da subvención nos termos establecidos neste convenio.
- e) Por decisión xudicial declaratoria da nulidade do convenio

E en proba de conformidade, asinan por triplicado exemplar o presente convenio no lugar e data indicados no encabezamento.





O Vicepresidente da  
Deputación Provincial de  
Pontevedra

César Mosquera Lorenzo




O Alcalde do Concello de  
Mondariz

Xoan Carlos Morjes Bugarín



A Presidenta da Asociación  
Amigos da Terra

Raquel Fernández Rodríguez



O Secretario Xeral da  
Deputación Provincial de Pontevedra

Carlos Cuadrado Romay.



**ANEXO: CALENDARIO DE PREVISIÓN DE IMPLANTACIÓN DO PROXECTO**

		2018												2019					2020						
		MAI	XUN	XLL	AGO	SET	OUT	NOV	DEC	XAN	FEB	MAR	ABR	MAI	XUN	XLL	AGO	SET	OUT	NOV	DEC	XAN	FEB	MAR	
Charla inicial		5	3	4	4	3	2	2	1																
Nº COIN instalados		335	201	133	133	120	120	98	60																
Visitas de instalación*																									
Accións seguimento																									
1ª visita seguimento		0	310	226	133	133	120	120	98	60	0														
2ª visita seguimento					182	220	220	180	120	120	98	60													
3ª visita seguimento**										25	241	252	250	274	98	60									
Xustificación																									

\* Instalación de COINs na primeira visita, realizáranse cando o representante da vivenda non poda acudir a ningunha charla de formación.

\*\* Síñalanse as 3 visitas mínimas; as visitas de reforzo poderán realizar entre estas ou a súa finalización.

